

〔日本紀略二朱雀〕天慶六年三月四日壬午太宰府言上壹岐島去年十月二日牝牛生二尾八足犢卽爲犬所喫。

〔扶桑略記二十八後朱雀〕長久四年癸未牛產兩頭犢仍有御卜。

〔本朝世紀〕康和元年五月廿三日乙丑加賀國國分寺塔下牡○牡誤恐牛生兩頭犢額白目

〔百練抄四後冷泉〕治曆三年七月廿七日參河國進國解犢牛繪樣相副三頭八足云々晉大興元年有此

例、

〔扶桑略記二十九後冷泉〕治曆三年八月十六日參河國解狀稱管寶飯郡渡津鄉住人壬生真世所領牝牛以去七月廿七日辰一點所生犢牛其體長三尺許毛色赤斑額腰少白有四牙有二尻二尾七足其四足如例自餘三足相添前後之足裏後二足有腹際前一足有腹下自膝下相分已生二蹄凡有七足八蹄又一尻一尾有臍下股裏具圖其體相副進上但彼牛領主真世恐其奇怪不申子細打斃了老者令神祇官陰陽寮等占申之處神祇官占申云可有天下病事口舌所致歟者陰陽寮占申云自怪所及艮坤方非奏口舌鬪諍事有天下疾疫憂歟祈慎无其咎乎者正三位行權中納言兼治部卿皇后宮權大夫源朝臣隆俊宣奉勅宜仰五畿內七道諸國符到之後擇定吉日奉幣神社轉經佛寺拂兵革於未萌消疾疫於方來仍須長官以下共致潔齋自詣諸社奉幣禱祠又於國分二寺及諸定額寺囑請淨行僧侶三箇日間轉讀仁王般若經薰修之間禁斷殺生殊致精誠必顯冥感者諸國承知依宣行之符到奉行者、

〔台記〕康治二年三月廿日丁丑巳刻參上左相已下多參集朝導幽胤問濟圓夕導義曉問覺晴左相已下引布施高如男山僧十人皆賜牛各一頭其中有背生石之牛若陰陽錯綜之所致歟亦吉凶之祥歟、問有識之者可知云々、

〔倭名類聚抄十一馬〕特牛 辨色立成云特牛俗語云頭大牛也、